



Adresseinformasjon fylles inn ved ekspedering.
Se mottakerliste nedenfor.

Dato: 16.09.2019
Vår ref: 18/02665-17
Deres ref:

Tildeling av driftskonsesjon etter minerallova for Einangane i Nissedal kommune. Tiltakshavar: Knut Haugsjå AS.

Leiv Erikssons vei 39
Postboks 3021 Lade
N-7441 Trondheim

TELEFON + 47 73 90 46 00

E-POST post@dirmin.no

WEB www.dirmin.no

GIRO 7694.05.05883

SWIFT DNBANOKK

IBAN NO5376940505883

ORG.NR. NO 974 760 282

SVALBARDKONTOR

TELEFON +47 79 02 12 92

Direktoratet for mineralforvaltning med Bergmeisteren for Svalbard (DMF) visert til søknad om driftskonsesjon, motteke ved DMF den 1. juni 2018.

1. Tildeling av driftskonsesjon

DMF tildeler Knut Haugsjå AS, org. nr. 980 835 286, heretter kalla «Tiltakshavaren», driftskonsesjon etter minerallova § 43.

Tiltakshavaren får driftskonsesjon for uttak av fast fjell i Einangane (Treungen) på del av eideområde gbnr. 35/8 og 47/3 i Nissedal kommune. Mineralførekomensten hører til kategorien mineral som grunneigaren eig.

Konsesjonsområdet har eit areal på om lag 63 daa og går fram av kart med tittelen «Konsesjonsområde Einangane (Treungen) i Nissedal kommune», produsert ved DMF den 2. april 2019, vedlegg 5.

I arealdelen av kommuneplanen er området delvis øyremerket til råstoffutvinning. Ifølgje Tiltakshavaren ligg resten av uttaket innafor eit område avsett til LNF i kommuneplanen sin arealdel. Tiltakshavar har vist til at kommunen er kjent med avviket mellom kommuneplanen og den faktiske lokaliseringa av steinbrotet, og at dette skal rettast opp i ved neste rullering av kommune planen.

Tildeling av driftskonsesjon erstattar ikkje krav om andre løyve, godkjenning, arealavklaring eller konsesjon etter anna lovgiving. Tiltakshavaren er ansvarleg for å innhente andre nødvendige løyve.

2. Vilkår for driftskonsesjonen

Konsesjonen blir gjeven på desse vilkåra:

2.1. Driftsplan

Drifta skal til ei kvar tid gå føre seg i samsvar med ein driftsplan godkjend av DMF.



Dersom Tiltakshavaren ønskjer å gjøre vesentlege avvik fra driftsplanen, skal DMF godkjenne dette på førehand.

DMF kan krevje ny oppmåling og at ajourførte kart og profilar skal sendast inn når DMF finn det nødvendig.

2.2. Økonomisk sikkerheit

Tiltakshavaren blir pålagd å stille økonomisk sikkerheit med NOK 660 000,-, som skildra i punkt 5.11 av vedtaket, for å sikre at nødvendige sikrings- og oppryddingstiltak blir gjennomførte etter minerallova §§ 49 og 50, jf. minerallova § 51.

Den økonomiske sikkerheita skal stillast i form av ein bankgaranti for eit grunnbeløp på NOK 300 000,-, og deretter årlege avsetjingar til ein bankkonto som det skal etablerast pant i til fordel for DMF slik at Tiltakshavaren ikkje kan råde over kontoen på noko vis, begge deler som skildra i punkt 5.11.

Innan 2 månader etter datoén på dette konsesjonsvedtaket skal Tiltakshavaren ha:

- (i) inngått ein avtale om finansiell sikkerheit med DMF, vedlegg 1;
- (ii) lagt fram påkravsgaranti frå bank som DMF vurderer som tilfredsstillande, vedlegg 3;
- (iii) etablert pantet til fordel for DMF, jf. pantelova §§ 4-4 til 4-6, vedlegg 2.

2.3. Bergteknisk ansvarleg

Det skal utan grunnlaust opphald sendast skriftleg melding til DMF om alle skifte av bergteknisk ansvarleg for eit uttak.

2.4. Andre vilkår

Den regulerte føremålgrensa for massetaket skal setjast ut eller markerast i terrenget på ein slik måte at den er lett synleg gjennom heile driftsperioden.

3. Godkjenning av driftsplan

DMF godkjenner driftsplanen for Einangane (Treungen). Den godkjende versjonen av driftsplanen ligg ved dette konsesjonsvedtaket, vedlegg 4.

4. Høyringsfråsegnar med kommentarar frå DMF

Søknaden om driftskonsesjon har vore på høyring, jf. forvaltningslova § 17, hos desse høyringsinstansane: Fylkesmannen i Vestfold og Telemark, Nissedal kommune, NVE Region sør, Statens vegvesen Region sør, Telemark fylkeskommune, Vest-Telemark Kraftlag AS, samt andre høyringsinstansar slik det kjem fram av adresselista til høyringsbrevet og adresselista til dette vedtaksbrevet.

Høyringsperioden var frå 3. april 2019 til 8. mai 2019.

Frå høyringsfråsegnene har DMF særleg merkt seg dette:



Statens vegvesen Region sør:

Statens vegvesen peiker på at arealbruken må avklarast i kommuneplanens arealdel og gjennom reguleringsplan for området. Godkjenning av kryss og avkjøring til rv. 41 må vere i orden.

DMF sine kommentarar:

DMF føreset at dei forholda Statens vegvesen her peiker på er forhold som må avklarast i samband med kommunen si handsaming av kommuneplanen sin arealdel. Vi har teke høyringsinnspelet til etterretning. I tillegg viser DMF til høyringsinnspelet frå Nissedal kommune under.

Nissedal kommune:

Kommunen viser til at uttaket har vore i drift over lengre tid, meir enn 20 år. Dei ser positivt på at det no er søkt om driftskonsesjon, og legg til grunn at konsesjonshandsaminga vil ta stilling til økonomisk trygging for sikring og opprydding samt sjølve planen for avslutning. Vidare viser kommunen til at dei ikkje er kjend med at det fins særlege natur- eller kulturminneverdiar innafor området. Kommunen meiner difor at utover dei endringane sjølve uttaket medfører, vil uttaket ikkje påverke miljøet i særleg negativ grad. Ut ifrå topografien i området, samt at det ikkje renn bekkar gjennom området, viser kommunen til at forureiningsfara vil vere avgrensa. Kommunen viser også til at forklaringa på at uttaksområdet dels ligg i område for råstoffutvinning og dels innafor LNF-areal skyldast ei vidareføring av ei unøyaktig kartfesting frå 1998-versjonen av kommuneplanen. Ifølgje kommunen vil kommuneplanen bli revidert i 2019/2020, slik at det også vil bli tatt stilling til om det skal krevjast detaljregulering for uttaket. Kommunen seier samtidig at det er lite sannsynleg at det vil bli gjort i dette tilfellet, då en slik plan vil gje lite meir informasjon sett i lys av at det har vore uttak her over lengre tid, slik at verknadane av støv, støy og avrenning er godt kjent for omgjevnadene.

DMF sine kommentarar:

DMF har tatt høyringsinnspelet frå kommunen til etterretning.

Telemark fylkeskommune:

Fylkeskommunen har gjeve sitt høyringsinnspel innafor næring og innovasjon/forvaltning av vatn og kulturarv. I det tilfelle at vassførekommstar kan bli påverka av et tiltak, anten direkte eller indirekte, skal tiltaket vurderast etter vassforskrifta eller vassforvaltningsplanen for regionen. Eit generelt mål i Regional plan for vassforskrifta er at alle vassførekommstar skal vernast mot å bli gjort ringare, bli forbетra og gjenopprettet slik at førekommstane skal ha god økologisk og kjemisk tilstand. Ifølgje fylkeskommunen har konsesjonsområdet avrenning til Einangatjønnane, som igjen høyrer til bekkefeltet Fiskåna og Kjørull. Fiskåna og Kjørull har god økologisk stand. Dersom uttaket vil kunne føre til at den økologiske og/eller kjemiske tilstanden til ei vassførekommst blir ringare, skal vassforskrifta § 12 leggast til grunn. Dette inneber at alle praktiske tiltak som kan gjennomførast skal settast inn for å redusere negativ utvikling i vassførekommstanes tilstand. Samfunnsutnytta av inngrepet skal vere større enn tapet av miljøkvalitet. Det er sektormyndigheita som vurderer tiltaket etter § 12 i vassforskrifta. Avrenning frå uttaksområdet til vassdrag vil kunne påverke naturmangfaldet i negativ retning, fylkesmannen viser difor til at det bør settast krav om avbøtande tiltak som hindrar avrenning av partiklar til vassførekommstane. Fylkeskommunen peiker på at det bør settast krav om vassprøver før tiltaket startar opp, og vidare overvakning av vassførekommstane i driftsperioden. Når



det gjelde kulturarv kjenner fylkeskommunen ikkje til automatisk freda kulturminne som vil kome i konflikt med omsøkt område. Vidare vurderer fylkeskommunen det som mindre sannsynleg at kjente automatisk freda kulturminne er bevart i konsesjonsområdet. Dei hadde difor inga merknader til søknaden. Fylkesmannen minner likevel om meldeplikta etter kulturminneloven § 8.

DMF sine kommentarar:

DMF harteke høyringssinnspelet frå Telemark fylkeskommune til etterretning. Vi oppmodar Tiltakshavar sterkt om å ta kontakt med fylkesmannen som forureiningsmynde å avklare kor vidt det er naudsynt med å ta prøver for overvaking av vassførekomstane. DMF minner om forureiningsforskrifta § 30-6 om utslip til vatn og § 30-9 bokstav b). Vi minner om Tiltakshavaren si meldeplikt etter kulturminnelova § 8.

5. Korleis DMF vurderer søknaden om driftskonsesjon

Føremålet til minerallova er å fremje og sikre samfunnsmessig forsvarleg forvaltning og bruk av mineralressursane i samsvar med prinsippet om ei berekraftig utvikling.

Etter minerallova § 43 er det krav om driftskonsesjon frå DMF for samla uttak av mineralførekomstar på meir enn 10 000 m³ masse og for alt uttak av naturstein. Berre den som har utvinningsrett kan få driftskonsesjon.

Konsesjonssøknader går gjennom ei skjønnmessig prøving før det blir avgjort om det skal gjevest driftskonsesjon. I vurderinga av om det skal gjevest driftskonsesjon skal det leggjast vekt på om søkeren er "skikka" til å utvinne førekomsten. Dette inneber at ein skal leggje vekt på om prosjektet ser ut til å vere økonomisk gjennomførbart, om det blir lagt opp til bergfagleg forsvarleg drift, og om søkeren har tilstrekkeleg kompetanse til å drive førekomsten. I vurderinga av om det skal gjevest driftskonsesjon skal det òg leggjast vekt på omsyna som er nemnde i minerallova § 2.

DMF kan fastsette vilkår for ein driftskonsesjon. Når DMF avgjer kva vilkår som skal stillast, vurderer direktoratet mange av dei same omsyna som er relevante for vurderinga av om det skal gjevest konsesjon.

DMF har vurdert konsesjonssøknaden slik:

5.1 Utvinningsrett

Mineralførekomsten som skal utvinnast tilhører kategorien mineral som grunneigaren eig. Tiltakshavaren er ikkje grunneigar for konsesjonsområdet, og det blir difor kravd avtale med grunneigaren om utvinningsretten til førekomsten. Tiltakshavaren har i søknadsprosessen lagt fram ein avtalar med grunneigarane for gbnr. 35/8 og 47/3 i Nissedal kommune, som dokumentasjon for utvinningsrett.

Avtalane gjev Tiltakshavaren utvinningsrett til førekomsten på det området det er søkt om konsesjon for i avtaleperioden.

Etter DMF si vurdering har Tiltakshavaren utvinningsretten til førekomsten.



5.2 Arealstatus for tiltaket

Konsesjonsområdet har eit areal på om lag 63 daa og går fram av kart med tittelen «Konsesjonsområde Einangane (Treungen) i Nissedal kommune», produsert ved DMF den 2. april 2019.

I arealdelen av kommuneplanen er området delvis øyremerket til råstoffutvinning. Ifølgje Tiltakshavaren ligg resten av uttaket innafor eit område avsett til LNF i kommuneplanen sin arealdel. Tiltakshavar har vist til at kommunen er kjent med avviket mellom kommuneplanen og den faktiske lokaliseringa av steinbrotet, og at dette skal rettast opp i ved neste rullering av kommuneplanen.

5.3 Økonomien i prosjektet

DMF har vurdert årsrekneskapen med styret si årsmelding og notar for dei siste 2 åra. På grunnlag av opplysningane som er gjevne vurderer DMF bedrifa som økonomisk skikka.

5.4 Driftsplan

For å sikre at kravet om bergfagleg forsvarleg drift blir oppfylt, finn DMF grunn til å ta inn i konsesjonen eit vilkår om at drifta til ei kvar tid skal gå føre seg i samsvar med ein driftsplan godkjend av DMF.

Driftsplanen skal vere eit styringsverktøy for Tiltakshavaren i gjennomføringa av uttaket, og eit referansedokument i samband med DMF sine tilsyn.

I samband med søknaden har Tiltakshavaren lagt fram eit framlegg til driftsplan for uttaket.

Framlegget til driftsplan omfattar heile driftsperioden og avsluttinga av steinbrotet. Skildringa og kart- og snitteikningar presenterer den planlagde brytinga av førekomsten innanfor arealet på om lag 63 dekar som søknaden gjeld. Det totale volumet fast fjell som skal takast ut er estimert til 170 000 m³. Det årlege uttaket vil variere med marknaden, men det planlagde uttaket per år er om lag 10 000 faste m³. Det er planlagt drift i 1 etappe. Det blir òg presentert ein plan for sikring og avslutting. Planen er å føre brotområdet tilbake til skogsmark.

Etter DMF si vurdering kan den vedlagde versjonen av driftsplan for Einangane (Treungen) godkjennast. Ein finn at planen tilfredsstiller dei krava som DMF stiller til driftsplanar, og etter DMF si vurdering legg planen opp til bergfagleg forsvarleg drift.

Dersom det under drifta oppstår nye situasjoner eller andre endringar i føresetnadene for drifta, til dømes geologiske og kvalitetmessige variasjonar, bør det likevel på visse vilkår kunne opnast for å gjøre endringar og tilpassingar i planen. Dersom Tiltakshavaren ønskjer å gjøre vesentlege avvik frå driftsplanen, skal DMF godkjenne dette på førehånd.

Undervegs i drifta kan DMF få bruk for oppdaterte kart og snitt som dokumenterer den noverande situasjonen i uttaksområdet og status i høve til den godkjende driftsplanen. Det blir difor teke inn som eit vilkår i konsesjonen at DMF kan krevje at Tiltakshavaren gjør ny oppmåling og at ajourførte kart og profilar skal sendast inn når DMF finn det nødvendig.



5.5 Bergfagleg forsvarleg drift

Kravet om at drifta til ei kvar tid skal gå føre seg på ein bergfagleg forsvarleg måte inneber at aktiviteten må vere i samsvar med tilfredsstillande faglege standardar for denne typen verksemد.

Etter DMF si vurdering er den føreslegne driftsplanen for uttaket bergfagleg forsvarleg. Ved vurderinga har DMF lagt vekt på driftsplanen for uttaket.

5.6 Kva kompetanse søkeren har til å drive førekomensten

I vurderinga av om søkeren har tilstrekkeleg kompetanse er det den totale kompetansen som søkeren har tilgang til som skal vurderast opp mot kravet om å vere skikka.

Etter forskrift til minerallova § 3-1 skal alle uttak av mineralske ressursar ha ein bergteknisk ansvarleg.

Tiltakshavaren har i søknaden gjeve opp Pål Arne Haugsjå som bergteknisk ansvarleg for uttaket. Personen er registrert hos DMF som bergteknisk ansvarleg for uttaket og oppfyller kvalifikasjonskrava i forskrifta.

Dagleg leiari i selskapet kan vise til å ha teknisk fagskole innan anleggsteknikk samt 24 år praksis. Selskapet kan også vise til å ha eigen stikningsingeniør, med 18 års praksis. I tillegg harselskapet anleggsmaskinførare og bergsprengare, samt sjåførar og lærlingar. I tillegg leier de inn kompetanse ved behov, der naudsynt kompetanse blir vurdert ut i frå det enkelte prosjektet.

Etter DMF si vurdering har Tiltakshavaren tilstrekkeleg kompetanse til å drive førekomensten.

5.7. Dei miljømessige konsekvensane av utvinning

I vurderinga av om det skal gjevast driftskonsesjon skal det leggjast vekt på omsynet til miljøet og kulturminne.

Det finst ein kommuneplan for uttaket.

Biologisk mangfald – vurdering etter naturmangfaldlova

Naturmangfaldlova § 7 pålegg alle offentlege instansar som tek avgjerder som påverkar naturen å vurdere planlagde tiltak opp mot prinsippa i naturmangfaldlova §§ 8–12. Reguleringsplanen, høyningsfråsegner og eigne søk i Naturbase og Artskart (gjennomførte i mars 2019) er lagde til grunn for vurderingane etter naturmangfaldlova i DMF si handsaming av søknaden. DMF reknar kunnskapsgrunnlaget etter naturmangfaldlova § 8 for å vere tilstrekkeleg til at det kan fattast vedtak i saka. Føre-var-prinsippet i naturmangfaldlova § 9 gjeld såleis ikkje.

Etter DMF si vurdering vil slikt uttak av massar som det er søkt om ikkje vere i konflikt med forvaltningsmålet for naturtypar og økosystem som er fastsett i naturmangfaldlova § 4 eller forvaltningsmålet for artar i naturmangfaldlova § 5.

Etter naturmangfaldlova § 10 skal den samla belastinga på økosystem og naturmangfaldet i regionen vurderast.



Ifølgje kommunen har uttaket vore i drift i lang tid, nærmare 20 år. Kommunen meiner difor at dei er godt kjent med uttaket sin innverknad på omgjevnadene og miljøet rundt. Telemark fylkeskommune peiker likevel på at uttaket har avrenning mot vassdrag, og at det må sytast for avbøtande tiltak slik at vassførekomstane ikkje blir ringare.

På bakgrunn av den informasjon vi har fått i søknadsprosessen har DMF kome til at det ikkje finst avgjerande moment som talar mot å innvilge konsesjon.

5.8 Forholdet til omgivnadene og nærliggjande område under drift

Mineralressursane skal forvaltast og brukast på ein måte som tek omsyn til omgjevnadene og dei nærliggjande områda under drift. Det er difor viktig at drivaren gjennomfører nødvendige sikringstiltak for å unngå skadar på eigedom, menneske og dyr.

Ifølgje Tiltakshavar er tilkomstvegen sikra med låst bom. Det er også montert fareskilt ved bommen. Vidare viser Tiltakshavaren til at nærområdet rundt masseuttaket og Einangfjellet ikkje er mykje brukt til friluftsliv eller anna ferdsel. Fram til no er det vurdert slik at det ikkje har vore behov for sikringsgjerde. Dette skal Tiltakshavar sjå på. Dei eksisterande brotkantane mot sør-vest og nord-vest skal sikrast med permanent fysisk sperre så snart det lar seg gjere. Blokkstein eller bygging av voll skal nyttast der det er mogleg mot brotkanten i nord-vest. Ifølgje Tiltakshavaren er gjerde det einaste sikringsalternativet i veggen mot sør-vest. Tiltakshavaren vil sikre brotveggar som er høgare enn 5 meter fortløpande med merkeband, eventuelt mellombels sikringsgjerde. Brotveggane skal vere stabile, og reinskast med ein gong. I tillegg legg Tiltakshavaren opp til at det til ein kvar tid skal vere ryddig inne i brotet, og at det ikkje skal plasserast unødig utstyr og installasjonar inne på området.

DMF har kome til at dette ikkje er avgjerande moment som talar mot å innvilge konsesjon.

5.9 Kva tiltaket får å seie for verdiskaping og næringsutvikling

Førekomsten det er søkt om driftskonsesjon for fell inn under råstoffgrupperinga: sand, grus, pukk og leire (byggjeraåstoff). Råstoffet blir brukt i produkt som det moderne samfunnet er heilt avhengig av og som blir brukte i bygg, vegar og anlegg.

Uttaket sysselset fleire ansatte og bidreg til å halde oppe sysselsetjinga/skape ny sysselsetjing i lokalsamfunnet/distriktet. Drifta kan òg ha ein positiv verknad ved å gje opphav til eller sikre eksistensen til anna næringsverksemd, eller ved at råstoffet kan vere ein strategisk innsatsfaktor i anna verksemd.

5.10 Langsiktig planlegging for etterbruk eller tilbakeføring av området

Ifølgje Tiltakshavaren skal området tilbakeførast til skogsmark. Dei skal rydde området for konstruksjonar, utstyr og eventuelt anna som ligg igjen etter drifta. Brotveggane skal sikrast og settast i stand forsvarleg, samt dekkast til med lausmassar og avdekkingssmassar for å bidra til naturleg revegetering. Tiltakshavaren skal i størst mogleg grad syte for at utforminga av terrenget vil bli så naturleg som mogleg. I tillegg skal Tiltakshavaren etablere varig sikring. Dei planlegg å nytte blokksteinar og jordvollar som sikring. Med tanke på at eksisterande og avsluttande brotkantar mot sør-vest og nord-vest ikkje er utforma med pallar, men har full høgde, søkerast bøtast på



ved at Tiltakshavar ved avsluttande arrondering av terrenget vil legge lausmassar opp mot brotveggane.

Etter DMF si vurdering er dei planane som finst for etterbruk eller tilbakeføring tilfredsstillande, og såleis ikkje noko avgjerande moment som talar mot å gje konsesjon.

5.11 Økonomisk sikkerheit

I søknaden om driftskonsesjon har Tiltakshavaren, i samsvar med forskrift til minerallova § 2-1, gjort framlegg til korleis sikkerheit kan stillast. DMF fastset dei endelege krava til sikkerheit.

Tiltakshavaren har vist til DMF sin rettleiar på økonomisk sikkerheit og forenkla metode for berekning av økonomisk sikkerheit. På bakgrunn av dette har Tiltakshavaren kome fram til eit totalbeløp på NOK 600 000,-, med eit grunnbeløp på NOK 300 000,-. Tiltakshavaren ynsker at beløpet skal byggast opp via fondsavsetningar.

5.11.1. Pålegg om å stille økonomisk sikkerheit og vurdering av kor stor sikkerheita skal vere

Etter DMF si vurdering er Tiltakshavaren sitt framlegg til kor stor sikkerheita skal vere noko lavt. Etter forskrift til minerallova § 2-1 tredje ledd skal den økonomiske sikkerheita vere tilstrekkeleg til å dekkje Tiltakshavaren si sikrings- og oppryddingsplikt.

DMF har nyttet modell for berekning av økonomisk sikkerheit. Her har vi tatt høgde for eit konkret kostnadsoverslag med tanke på sikring og opprydding av uttaksområdet. Hensikta med økonomisk sikkerhet er å trygge samfunnet, kommunen og grunneigar på at uttaksområdet blir tilfredsstillande rydda opp i og sikra også ved plutselig og uventat stans i drifta, eksempelvis ved ein konkurs.

Etter ei konkret vurdering av tiltaket finn DMF at Tiltakshavaren skal påleggjast å stille finansiell sikkerheit på NOK 660 000,- for å sikre at naudsynte sikrings- og oppryddingstiltak blir gjennomførte etter minerallova §§ 49 og 50, jf. minerallova § 51. I vurderinga av kor stor sikkerheit som skal krevjast har DMF lagt vekt på: kor komplekst uttaket er, massetype, potensiell forureiningsfare, underjords- eller dagbrottsdrift, plassering og lokale tilhøve. DMF har òg lagt vekt på sine eigne erfaringstal for tilsvarande uttak, med tillegg for eksterne og uventat kostnader.

5.11.2. Form for sikkerheit

Det skal stillast sikkerheit i ei slik form at den ikkje vil gå inn i konkursbuet i tilfelle konkurs hos Tiltakshavaren, jf. forskrift til minerallova § 2-1 tredje ledd.

Etter DMF si vurdering vil det vere føremålstensleg at den økonomiske sikkerheita blir stilt ved bankgaranti og individuell fondsavsetjing til ein bankkonto som det etter ein eigen avtale om finansiell sikkerheit skal etablerast pant i til fordel for DMF, jf. panelova §§ 4-4 til 4-6. Tiltakshavaren skal ikkje ha råderett over denne bankkontoen, som skal vere sperra til fordel for DMF.



Bankgaranti – oppstartsfasen

DMF vurderer det som naudsynt at Tiltakshavaren, innan 2 månader etter datoens då konsesjonsvedtaket bleigjort, stiller ein bankgaranti som DMF vurderer som tilfredsstillande som påkravsgaranti for eit beløp på NOK 300 000,-. Dette er naudsynt for å ha tilstrekkeleg sikkerheit i oppstartfasen før fondet har nådd maksimal avsetjing. Storleiken på bankgarantien er fastsett på grunnlag av ei vurdering av kva som blir rekna for å vere tilstrekkeleg sikkerheit i denne fasen.

DMF kan fremje krav i høve til bankgarantien i desse tilfella:

- (i) Etter utløpet av Tiltakshavaren sin frist for å utføre naudsynte sikrings- og oppryddingstiltak som DMF godtek;
- (ii) Ved konkurs, opphør eller anna avvikling av Tiltakshavaren si verksemد; og
- (iii) Dersom konsesjonen blir trekt attende.

Ved melding til garantisten om at eitt av tilfella nemnde i punkt (i)–(iii) over har oppstått, skal DMF ha rett til å få utbetalt det kravet som blir gjort gjeldande etter bankgarantien, utan omsyn til motsegner frå Tiltakshavaren. Bankgarantien skal stå ved lag så lenge beløpet som står på bankkontoen ikkje har nådd NOK 300 000,-. Når beløpet på bankkontoen har nådd NOK 300 000,-, eller tidlegare etter skriftleg samtykkje frå DMF, fell plikta til bankgaranti bort.

Individuell avsetjing, avsetjingsperiode og storleiken på avsetjinga

Deretter skal Tiltakshavaren setje inn midlar på bankkontoen årleg fram til totalbeløpet på NOK 660 000,- er nådd. Dei årlege innskota blir rekna ut etterskotsvis på grunnlag av masseuttaket året før. Det skal betalast inn NOK 1,73,- årleg per tonn utteken masse.

Ved fastsetjinga av satsen per tonn utteken masse har DMF lagt til grunn at fondet skal byggjast opp over ein periode på litt i underkant av 14 år, det vil seie NOK 48 440,- per år. I søknaden er det rekna med eit uttak på 28 000 tonn/år, noko som gjev ei årleg avsetjing på NOK 1,73,- per tonn.

Innbetalinga for masseuttaket må vere avsett innan 1. februar året etter.

5.11.3. Rapportering og dokumentasjon

Beløpet som står på kontoen skal dokumenterast årleg ved å gje DMF tilgjenge til ei oppdatert kontoutskrift. All avkasting på midlane skal godskrivast kontoen.

I tillegg finn DMF det naudsynt at Tiltakshavaren undervegs i drifta vurderer om den sikkerheita som er stilt er tilstrekkeleg til å dekkje kostnadene til sikrings- og oppryddingstiltak og gjev DMF tilbakemeldingar om dette. Dersom den fastsette driftsperioden for uttaket blir endra eller det skjer andre vesentlege endringar i driftsplanen, skal DMF informerast umiddelbart. Elles skal Tiltakshavaren kvart femte år gjere ei ny vurdering av om sikkerheita er tilstrekkeleg. Når vurderinga er gjord, skal Tiltakshavaren utarbeide ein rapport og sende den til DMF utan grunnlaust opphald.



DMF kan også ha behov for meir rapportering og dokumentering enn det som er skildra over, og finn det difor naudsynt å påleggje Tiltakshavaren plikter i så måte i konsesjonsvilkåra.

5.11.4. Justering av sikkerheita

Etter forskrift til minerallova § 2-2 første ledd andre punktum kan DMF gjere vedtak om endring av storleiken på avsetjinga, inkludert dei årlege innbetalingane frå Tiltakshavaren, og tidspunktet for innbetaling. Slike endringar kan også gjerast når som helst ved endringar i minerallova og andre relevante lover, forskrifter og vedtak.

6. Kor lenge driftskonsesjonen gjeld

Driftskonsesjonen kan reviderast etter 10 år.

Driftskonsesjonen fell bort dersom drift ikkje er starta opp seinast fem år etter at konsesjonen er gitt. Det same gjeld dersom drifta blir innstilt i meir enn eitt år. Det kan søkjast til DMF om å forlengje desse fristane. Driftskonsesjonen fell også bort dersom:

- utvinningsretten for statens mineral blir sletta
- avtalen om rett til å utnytte førekoma av grunneigars mineral går ut
- skjønn ikkje er kravd innan eitt år etter at ekspropriasjonsløyve er gitt etter minerallova § 37 andre ledd bokstav a

Driftskonsesjonen kan ikke overdragast. Det gjeld også ved overdraging av utvinningsretten.

7. Plikter for tiltakshavaren

Tiltakshavaren har rettar og plikter som følgjer av minerallova med forskrifter.

Meldeplikt ved oppstart og stans av drift

Seinast éi veke før oppstart av drifta skal Tiltakshavaren sende melding til DMF. Tiltakshavaren skal også sende melding til DMF før drifta mellombels blir stansa eller lagd ned i medhald av minerallova § 44.

Drifta skal utførast med varsemd

Drifta skal utførast med varsemd, slik at skadane ikke blir større enn nødvendig. Etter minerallova § 48 skal arbeida heller ikkje føre til unødig forureining eller skade på miljøet.

Forsvarleg sikring og opprydding

Området skal sikrast slik at arbeidet ikke medfører fare for menneske, husdyr eller tamrein. Etter minerallova § 49 omfattar sikringsplikta også gruveopningar, tippar og utlagde massar på område som er knytte til konsesjonsområdet.

Etter minerallova § 50 skal området vere forsvarleg rydda mens arbeida går for seg. Etter minerallova §§ 49 og 50 skal området vere forsvarleg rydda og varig sikra etter at arbeida er avslutta. DMF kan fastsetje ein frist for når oppryddinga skal vere avslutta.

Ansvaret til bergteknisk ansvarleg

Bergteknisk ansvarleg har eit særskilt ansvar for å sjå til



- at drifta er teknisk forsvarleg og tek omsyn til arbeidstakarar, nærliggjande bygningar og omgivnadene elles
- at førekomsten blir avbygd på ein berekraftig måte
- at drifta til kvar tid er i samsvar med ein ajourført og godkjend driftsplan

Rapportering

Tiltakshavaren skal sende årleg driftsrapport til DMF via «Min side» på dirmin.no.

Når uttak av grunneigars mineral blir lagt ned, kan DMF stille krav om å sende inn sluttrapport, måledata og prøvemateriale. Dette gjeld dersom uttaket har mineraliseringar av vesentleg geologisk interesse.

8. Rett til å klage

Partane i saka og andre med rettsleg klageinteresse kan klage på vedtaket i samsvar med reglane i forvaltingslova kapittel VI.

Fristen for å klage er tre veker etter at de har fått dette brevet. Klagen skal sendast til DMF for ny vurdering. Dersom DMF ikkje finn grunn til å gjere om vedtaket, sender vi klagen til Nærings- og fiskeridepartementet, som gjer endeleg vedtak i saka. I klagen må de gjere greie for kva de klagar på, og kvifor, og de må foreslå endringar.

Etter forvaltingslova § 18 og 19 har partane i saka rett til å sjå saksdokumenta.

For nærmare informasjon om minerallova med tilhøyrande forskrifter, sjå heimesida vår på www.dirmin.no.

Med helsing

Maria Lauritzen
seksjonsleiar

Stine Borge Nordskag
rådgivar

*Dokumentet er elektronisk signert og har difor ikkje handskrivne signaturar.
Sakshandsamar: Stine Borge Nordskag*



Vedlegg:

- Vedlegg 1_Avtale om finansiell sikkerhetsstilelse_Einangane.docx
- Vedlegg 2_Pantsettelseserklæring for enkle pengekrav_Einangane.docx
- Vedlegg 3_Påkravsgaranti_Einangane.docx
- Vedlegg 4_Godkjend driftsplan_Einangane.pdf
- Vedlegg 5_Konsesjonområde_Einangane.pdf

Mottakarar:

| | | |
|-----------------|--------------|---------------|
| Knut Haugsjå AS | Sundsmoen 11 | 3855 TREUNGEN |
|-----------------|--------------|---------------|

Kopi til:

| | | |
|--|----------------------|----------------|
| Fylkesmannen i Vestfold og Telemark | Postboks 2076 | 3103 TØNSBERG |
| Gunn-Elise L. Ramlet | Heimdalsvegen 308 | 3855 TREUNGEN |
| Hølje Haugsjå | Tjønnefoss 215 | 3855 TREUNGEN |
| Inger Homme Nokeyje | Homme 74 | 3855 TREUNGEN |
| Nissedal kommune | | 3855 TREUNGEN |
| Norges vassdrags- og energidirektorat Region sør | Postboks 2124 | 3103 TØNSBERG |
| Olav Hardeberg | Holteveien 58 | 4886 GRIMSTAD |
| Sigvald Homme | Hans Hansens vei 110 | 3021 DRAMMEN |
| Statens vegvesen Region sør | Postboks 723 Stoa | 4808 ARENDAL |
| Svein Gunstein Dahl | Homme 122 | 3855 TREUNGEN |
| Telemark fylkeskommune | Postboks 2844 | 3702 SKIEN |
| Vest-Telemark Kraftlag AS | | 3891 HØYDALSMO |